

QVAESTIO MEDICA

CARDINALITIIS DISPUTATIONIBVS MANE AGITANDA IN

SCHOLIS MEDICORVM DIE IOVIS V. MARTII M. CAROLO BOVVARD

DOCTORE MEDICO MODERATORE.

681.

An Dysentericis adstringentia?

SENSIBVS obuia, vniuersalia, speciosa, vulgus respicit, cetera despicit. Evidentes causas, symptomata sola nouit, culpam, infectatur; at frustra, effectus pro causis, umbras, signa pro corporibus, riuulos pro fontibus. Externis causis sola declinatio: symptomatis (omnibus à morbo) remedia nulla. Occulta, particularia, vilia peritiorum sunt. Interna perquirunt artifices, emendant, amendant, solis contrariis. Annon symptomata causarum vicem gerunt? Audacioribus numquam, adulatoribus semper, esto verò prudentioribus aliquando; noxia nihilo fecius sunt vbique celeriter eliminanda, inutilia educenda, vtilia promouenda. Naturalis & critica omnis arte perficienda excretio, symptomata solà causa castigatione remouenda. ADSTRINGENT symptomaticus, laxat medicus.

AIMATΩΔΕΙΣ sanorum dysentericæ, vernæ, æstiuæ, periodicæ, vt & quæ eas suppleunt cholericæ, hæmorrhagicæ, puerperia, menstrua, sanguis sectis artubus, vesicæ, promouenda omnia sunt, nec pœnâ capitali manz aut grauiorū coercenda. Si calamitosa hepaticæ dysentericæ, & Lindneri & Lepi, Spilpi, cui victus tenuissimus, si cholericæ, quæ lipyriam soluit, si diarrhoeam quæ hydropas, ophthalmias, si vomitum, quem alter sedat, reprimis, perimis. Prodeuntes succos tenuissimos. Nullæ criticæ, nullæ symptomaticæ cruentæ dysentericæ (symptomaticas omnes euacuationes non dicimus inutiles) sanguine ex superioribus aut inferioribus ani venulis (hæmorrhoidas sanaturus omnes tollat) citam, atro, splendente, aut limo sanguinis copiosius effluente, supprimendæ. Atrabiliariæ, quæ sponte vel pharmaco vtiliter vacuantur, sinceræ deiectiones, æquabiliter prauæ licet perniciosæ, non intercipiendæ. Quæ sine causis & signis euancescunt præsentissima repente damna inferunt. Noxia omnia impune effluunt, noxiæ retinentur.

DYSENTERIA vera symptoma deprauatæ excretionis intestinorum, est minutula, frequens, torminosa, mordens, biliosa, glutinosa, ramentosa, & sæpe purulenta cum enixu egestio. Contumacia, periculû, à complicatione causarum, magnitudine, cacoethiâ, inflammationi, humorû, vlcis. Omnis est aut soboles aliorum morborum, aut primigenia; vtræque sæpe nequiorū parens intercepta. Acutarum febrium, lienosorum, hepaticorum, lentiginosorum, sterilium mulierum, iudex interdum non tam æqua, quam sæpe furia. Hepatitides, quibus icterus die sexto potest esse salutaris, non septimo; pleuritides, quæ non omnes culpandæ; peripneumonias, quibus dulcia; paratides, in a curis omine infaustus; rheumatismos, quibus vnica phlebotomia; sed & osphalgias, varices, ischiadas cicurata tantum, non benè curata vel intempèstiuè suppressa parit. Intestinorum rarior est inflammatio quam hepatis, lienis, mesenterij, sed grauior; licet incipiens sit eadem cum completâ, hæc tamen, non vt illa, sublatâ causâ cedit. An tenuiorum, an crassiorum, facile discrimen; profundius vlcus, exitiusius, insanabile vbi caruncula.

VTRIVSQVE inflammationis & vlcis parens quiuus humor, aduenticius toto per hepar in intestina, innatus nutritijs partibus & intestinis, quidni & sanguis? varius omnium ac multiplex infarctus, omnis particeps lentoris & crassitiei, acrimoniæ, erosioni; liquidiora citius permeant, propelluntur, quàm vt vlcus inde, licet gyris spirisque intestinorum iuuentur. Otiosi, intemperati, humidiores, densiori habitu, graciliori, ætate prouectiores, aptiores. Potentissima est particularis tempestas, & totius anni constitutio, suæ quæque ferax mater dysentericæ. Post australem aquilonia dysenteriam à pituita salsa profert, Borealis humores fouet, apparat, coercitos in adytis cuique suos, succedens austrina auget pituitam, feruida bilem & in vtrâque putredinem accendit. Inæqualis vipereos omnium morsus suscitât & latibulis. Autumnales longissime, funestissime, quanto magis in pestilenti constitutione! In febre vehemèti dolore grauiditate? pueritiâ? Omnis ab atra bile lethalis.

POTIOR esse debet cura communior affectus, prioris, acutioris, grauioris, inflammationis, quàm humorum, quàm vlcis; Esto morbi momento generentur, causæ longo tempore, inflammatio tamen celerius, vlcus tardius. Inflammationis dysentericæ rarò solitariæ, vnicû phlebotomia, præmittenda & ad integram solutionem repetenda plenius (numquam ad lipothymiam) crebrius pro iugi rheumate, partium conditione, morbi magnitudine, symptomatum perniciaciâ. Enemata crebra, refrigerantia, pingua, lenientia, anodyna. Diacodium somno, doloribus, viribus; opium calidum noxium, sic laudanum. Pacifimus vidus, hordeata, iuscula; vinum venenum. Domitæ feritate cathartica blandior; præter folia orientalia, cassiam, & rheum, vix villa idonea. Apage rheum vstulatum, spodium, quanto magis coralina? terras armeniam, lemmiam; acerbâ austera reliqua? Stypticis febris, vetus synathrismus nouo prouentu augetur, aggeritur, impingitur, adurit, vlcus inurit, effluxus vitiosus prohibetur, in sua principia per adstringentia reueritur & corpus cohorte lethalium obruit. Quinimò astringentibus vlcus comprimitur, diuellitur, mordetur, exasperatur, solis quoque assumptis, si tenuiorum sit, vel iniectionis, si crassiorum, tergentibus, desiccantibus, vetricis, demum consolidantibus varij gradus, catharticis numquam perficiendum.

Non ergo dysentericis adstringentia. 128



Proponebat CAROLVS GVILLEMEA V Parisinus, primarius Christianiff. Regis Chirurgus anno R. S. H. M. DC. XXVI.